



Broj: Ž-BL-05-9/23

Dana: 16.03.2023.

**UDRUŽENJE GRAĐANA
NE DISKRIMINACIJI, NE MOBINGU**
Mustafe Hukića 33
75 000 Tuzla

OBAVJEŠTENJE

Ombudsmeni za ljudska prava Bosne i Hercegovine odlučili su da zatvore predmet koji se vodi po žalbi Udruženja NDM Tuzla (u daljem tekstu: podnosilac žalbe). Odluku o zatvaranju predmeta ombudsmeni zasnivaju na sljedećim razlozima:

Podnosilac žalbe obratio se Ombudsmanu za ljudska prava Bosne i Hercegovine (u daljem tekstu: Ombudsman Bosne i Hercegovine), dana 11.01.2023. godine, označivši kao odgovornu stranu upravu za indirektno oporezivanje Bosne i Hercegovine (u daljem tekstu: Uprava).

Navodi da se dana 28.11.2022. godine, odgovornoj strani obratio sa zahtjevom za slobodan pristup informacijama, a na koji mu nije odgovoreno do momenta obraćanja Ombudsmanu Bosne i Hercegovine.

S obzirom na navode od odgovorne strane je zatraženo izjašnjenje.

Aktom broj: 01/3-12-1-2222-3/23, od dana 02.02.2023. godine, odgovorna strana je obavijestila Ombudsmane Bosne i Hercegovine da je rješenjem broj: 01/3-50-4-UP/I-31-4/22, od dana 26.01.2023. godine, odlučila o podnesenom zahtjevu za slobodan pristup informacijama.

Kopija pomenutog izjašnjenja proslijeđena je podnosiocu žalbe na uvid i komentar.

Dana 16.02.2023. godine, podnosilac žalbe je dostavio svoj komentar i u njemu naveo da bez intervencije Ombudsmana Bosne i Hercegovine, odgovorna strana ne bi dostavila rješenje kojim je odlučila o podnesenom zahtjevu za slobodan pristup informacijama, od dana 28.11.2022. godine.

Imajući u vidu činjenicu da je Uprava rješenjem odlučila o podnesenom zahtjevu za slobodan pristup informacijama, nije jasno vidljiva povreda prava na osnovu koje bi Ombudsman Bosne i Hercegovine mogao nastaviti postupak istraživanja, pa se u vezi s tim predmet po žalbi zatvara u skladu sa članom 35. stav 1. tačka 3. Pravila postupka Institucije ombudsmena za ljudska prava Bosne i Hercegovine ("Službeni glasnik Bosne i Hercegovine" broj 104/11).

Protiv ove odluke nije dozvoljena žalba u skladu sa članom 22. Zakona o ombudsmanu za ljudska prava Bosne i Hercegovine.

Takođe, podnosilac žalbe se obavještava da ukoliko bi se pojavile nove činjenice ili okolnosti koje ukazuju na povrede njegovih prava, to može predstavljati osnov za ponovno obraćanje Ombudsmanu Bosne i Hercegovine.

Ombudsmeni Bosne i Hercegovine:



Dr Jasminka Džumhur



Nives Jukić



Dr Nevenko Vranješ